

金鎖流珠引卷之十

思九

金鎖流珠引卷之十

思九

中華總真天仙王方平張道陵趙昇長風李儋茅盈許泰等後撰述

中華仙人李淳風注

存誦中斗七星名法圖

第一星名貪狼字露神子二名魁三名陽明

四名若為五名神武六名玄樞七名天英八

名恥符正名否留內名闕上屬歲星鎮應徐

州也是天御史中丞西河人註此一星有九

名多是古星官之位名又言御史中丞者亦

如今國家有此官也北斗御史中丞即天曹

官位子生人屬之也

第二星名巨門字貞之二名魁三名喻見四名陰精五名敢武六名天根七名法提八名已无内名閻上應太白星下應益州也是天大司馬南鄉人註揚州之南霍山之側地生

思九

也丑亥生人屬之也

第三星名祿存字子宜註一本無宜字也二名矐三名真人四名歷擊五名神剛六名天柱七名命機八名老鬼陽内名註内名者是真名也閻上應熒惑星下應冀州是天少府

九卿長沙人古長沙縣寅戌生人屬之也

第四星名文曲字世惠子二名魁三名玄冥  
四名庚與五名天殺六名隼擊七名天曆八  
名索諾內名闍上應辰星下應荊州在天為  
司徒光祿大夫會稽人一云吳中人卯酉生

人屬之也

第五星名廉貞字子衡二名曜三名丹元四  
名鄒收五名四王六名板玉七名魚行八名  
樓張內名闍上應鎮星下應兗州在天為大  
夫鴻臚卿益陽人辰申生人屬之也

第六星名武曲字大車子二名魘三名北極  
四名度頭五名生門六名也如七名誅兔八  
名橐闕內名瓊上應歲星下應揚州在天爲  
廷尉卿益陽人也 此縣出兩大夫官上仙也  
已未生人屬之也

思九

二

第七星名破軍字大時賓二名魘註魘主指  
萬物攝殺之炁故天上地下人神龍鬼萬物  
被指七度疾二七度病三七度衰四七度死  
世知之常存之自然通神存指凶惡鬼賊應  
時而伏止大驗也三名天關四名敢健五名

金方六名執光七名天衝八名刺心內名闔  
上應太白星下應豫州在天爲領軍步兵註  
國家舊有步兵官號也鄱陽人午生人屬之  
也

右七星見主生民死鬼之事包指萬象巡察  
九天一日一夜周天一遍以管約天地水三  
官彈糾萬物下界人神龍鬼精邪萬物皆畏  
伏而不敢拒

太平金闕帝君故示九等之名於天師付授  
有道之子令不迷惑

老君曰七星見者主理生民萬物註言萬者  
天地之間但生死之物皆北斗七星官若主  
也上生落死事事皆由七星之官不歷於別  
官曹也莫不生死皆屬之故以有道心孝順  
師父之人可以口傳九名如非人不可妄傳

思九

三

殃及七祖非一身也

第八星名太上真君一名同玉二名天樞三  
名戢應天蓬下應坎宮正鎮冀州在天爲外  
部隱形不出知水官之事

第九星正是高上玉皇帝註高上玉皇帝者

北斗九官之主也非大道太上玉皇帝此是  
天司糾察七政九官中百司君官司吏萬兵  
高上玉皇帝主判萬象星官內禁殺伐之事  
兼主人物皆總列屬也外察生死之時無不  
先知以奏大道太上玉皇帝知不得有非妄  
也內名關二名天正三名攝提四名益陰事  
內不見人世人有見者益壽三百歲後聖君  
告玄洲二十九真人曰夫欲知其內道者先  
誦中斗九名註即今之北斗是也時人不識  
呼爲北斗是中斗也太上老君傳教亦呼爲



中斗今求道之人但自知之不用教授凡愚  
之人即得除死籍上生名心存身著註心存  
尊帝二星之名入五藏長日夜存誦之在心  
不休身著是一斗二斗成是著為衣一十四  
載使入長生法訣授二十九真人法曰但以

本命日及甲子日庚申日旦暮註白日午時  
為上次巳時中申時下夜亥時為上子時為  
中丑時下存一斗二斗成法全至七斗魁魁  
魘魘魘數足各誦呪遍訖更誦地紀天  
網呪遍即畢得之一年无災二年不死三年

得地仙四年入不死五年功力甚通天地救濟人物皆得應順心口六年神通長生自在之驗力不可妄爲之祕之吉泄之凶註此是太上後聖真言教授不可妄行之也

老君曰夫作一斗二斗成者各須先捻本訣

思九

四

然後存履使註使者存魁斗或時使左肩爲魁或爲魁心爲魁或手爲魁之使謂之履使存用步成斗方有神驗可使使也乃從一斗至於七斗皆本文正訣捻之而用

第一魁星文在左手第二指中節上第二魁

星文在左手第二指第一節中上節是也第  
三魁星文在左手第三指第一節是第四魁  
星文在左手第三指第二節中是也第五魁  
星文在左手第四指第二節是第六魁星文  
在左手第五指第二節是也第七魁星文在  
左手第五指第一節是也

老君曰夫配衣成斗皆須前知有七星本訣  
即可存步之於身身即通神欲使通神捨此  
訣遍七星文其斗中二尊帝神三妃二夫人  
二嬌女大君官遙以敬貴於子與子注上生

名下落死籍後來至學之士謹節孝師供道  
齋金玉寶重之帛納師玄房寶座之下請受  
此訣後方始依流珠上存用之乃可進入仙  
階名書玉錄北斗之君官與司命司錄度名  
青簡之書句落黑簿之曆此皆道力使攝文

思九

五

訣使使即得身心通於天地之神神力可用  
也若不知此訣依經存一百年存用无益一  
分也此法訣得之行用得知其元一年便通  
神使靈二年去死辟兵三年仙官矣一十四  
年要昇即昇要住即住太平金闕帝晨後聖

君補子爲世仙官必任去住此法祕之切勿  
傳非人直是七百年三傳一傳只三人過此  
師被大考師退仙階弟子盜行滅身殺族切  
禁後聖君告張天師曰夫欲行網履衣北斗  
取成一二三四五六七用濟身助國安家救  
人急疾兵疫水火者先須知識手上文訣此  
便是得道之力也聞見凶惡之徒來註間者  
猶遠可得存一斗二斗見者立到不可更存  
斗成便以捻文急指之即走避之得无人之  
地稍寬即存斗成止殺之便捻一星二星之

文直到七星之文足心急配衣左手存魁  
止之立住自伏且休少時急去後到稍无人  
寬處捻訣存斗成更止之凶惡魔難之徒伏  
心而退不肯退而死此法大驗不可妄行慎  
之又告王君曰訣云一斗成收魄二斗收魂

三斗收神四斗收身註罪重便信法得也五  
斗飲血飲血是禁訣之別名也六斗誅神是  
考責人魂魄別名也七斗止身註止之不佳  
斬大約止是斬之別名又云志人常修行長  
存一斗成者定魄二斗成者鍊魂三斗成者

調神註神是炁之精物形脉之神因炁而動  
四斗成治病五斗成去賊堅身六斗成神靈  
衛人七斗成道備通神行之七年上爲天真  
註名入天真之位未得上昇之法一十四年  
上昇天得雲龍鳳鶴笙歌鼓吹玉童玉女夫

思九

六

人衛兵千萬俱下迎或全家拔宅而去

老君曰修至道之士欲使北斗司命取長生  
者法訣在手法經左肘註經是靈書之經法  
訣印式之要符文行用內祕之訣是短卷子  
錦袋盛繫肘後也其行綱步在經圖註綱是

天網紀是地紀也

老君曰修行之者常存斗不離身夜思斗在  
頭蓋身如彼周遍白日思在額之上小形方  
寸之斗註白日思在額上懸之逐建時轉長  
一寸已下輪之於天中之間印堂之側令鬼  
精見而常畏降伏毒心也不離於額祝曰  
額懸七星毒鬼奔驚敢有崇害反視斬形急  
急如律令

說存使四斗法圖

老君曰四斗圖者是一身之上存作四斗形



也以舉左手額上如斗之勢曲仰如圖掌中  
仰託魁星左肘魁左肩下臂上為魁心為魁  
直從左下左脚內陰視為魁左膝為魁左足  
內踝為魁右亦如左邊筭相似各皆成斗之  
形又倒存亦如之筭註倒數即左足內踝為

思九

七

魁向上筭取七星數足即此名四斗之法依  
圖用无失也又左手向上托魁星下至左足  
內踝為魁星為左斗成又右手向上托魁星  
下至右足內踝為魁星為右斗成此說前面  
一斗背後亦存如面前左右為斗則有四斗

成矣註老君法即呼前面爲陽斗背後爲陰  
斗左右有兩斗故曰四斗成此斗能去萬災  
此四斗能消四殺落滅凶惡災害兵甲鬼妖  
立能消消兵甲伏伏鬼妖之祟也經云七斗  
消天上災凶六曹崇鬼四斗消地下災殺太  
歲土官地獄四司崇鬼五斗能消五行金水  
木火土之災害也皆存斗而二等制伏凶惡  
凶惡具上秩注五兵瘟毒蛇蟲等獸訣在五  
刀支註五刀支金水木火土刀支具掌訣中

說倚配衣存行法圖

老君曰配衣者將斗爲衣如人著衣也亦有  
左右男子左註男左邊先起女右邊先起是  
男子起倚配衣法先是四斗成圖訖即捻訣  
註都監訣是也少時便存魁星存左肩下曾  
上註案圖在左肩下曾左邊這項是名曾脇

頭又腋堂是其正名名左右脇堂魁星居心  
躡星居左足伏鼠魁星居左手腕中魁星居  
左手掌中註申五指是大掌當好好乘取魁  
星居左足膝上魁星居左足內踝右邊女思  
之並同左邊思存呼用也此法男女常行之

以辟凶殃災禍修行人要若欲收凶惡先用  
倚配衣也又修行人入山林深谷之中恐蛇  
虎者先存之爲上後聖君曰此法從三元將  
軍存使至七斗七斗至四斗四斗至倚配衣  
倚配衣至立配衣立配衣註此法同倚配衣

思九

八

也倚配衣面南立即男迴面向東女向西是  
也圖中有名而无畫應是同故不着奉流珠  
中无也至眠配衣服眠配衣至坐配衣坐了即  
存使擊捻凶惡刀支訣而自消後聖君再勅  
天師此法不得妄傳妄傳則招禍咎秘之真

人也老君授此法與黃帝伐蚩尤與禹治水  
與周伐紂乃以伐惡救民令民爲善也老君  
常念其善惡不分故令人君人臣伐惡取善  
以安萬姓令行天道濟助國土及得身安修  
生有益註史書記歷代相承皆是天命天使  
神人下授兵法即此驅役引書云代代皆是  
老君下應號而出口知其姓名有改易不  
知身是一也而應時改姓名也

### 說立配衣存行法圖

老君曰立配衣者立即成也案上古真人行

用此書此圖兼掌訣受本師付受口訣修行  
精熟立思立念便是立成俱使應心順口无  
不得者

說眠配衣存法圖

老君告西山胡王達利曰我得天法教吾眠

思九

九

斗召兵百千億萬而下圍吾師而來攝汝過  
度災厄不被被害吾師攝食吾師畏我天兵  
合當救得汝胡王怕急唯投老君老君一念  
卧斗少間百千億萬而下圍吾師兵馬吾師  
知老君意退而散去吾師註吾師是老君弟

子故假變化形佐助化胡乃飛身從天下領  
天兵欲伐殺胡王兵衆胡王畏急乃投老君  
爲計急求生路奴僕敢辭老君即申脚著床  
卧存四斗救之因此胡人大王伏而乞教道  
捨位從道以因眠斗之法罵胡王曰我之大  
衆有百萬人皆欲食汝眷屬爲飽今有上天  
大真仙尊與汝思眠斗之法以隔我天兵我  
以未能便食汝後日當下來食汝衆言訖當  
領神兵而去天上於是胡王以頭首叩地以  
石自搏乞大真仙尊教我王衆等作思眠斗

之法於是老君遂作誡二百五十條誡胡王  
王依誠不違其吾師便不下經數月日胡王  
告徒衆此老道人甚有眠斗之法能斷絕得  
吾師不下吾徒衆故當合學於是胡王領徒  
衆禮老君三拜長跪前問請我徒衆非道士  
所護皆被天魔吾師殺食我今叩頭請受取  
此法以御此魔怪鬼賊侵食我等是時  
老君受與眠斗之法胡王精思不退更請進  
受道法後便得正成佛法皆因卧斗之法而

獲陰仙註陰仙是佛也



卧斗法

右以左手蓋頭把魁魁居左肘躡居左胃胃  
左邊是也魁居心魁居臍右手案臍註臍不  
合受星之炁故將右手以覆臍上存星居手  
背之上如法每夜卧皆如之長存之長生不

思九

十

死也魁居左膝魁居左足內踝左右同思存  
又右同用用以左手魁同存用右肩為魁躡  
同在胃魁在心以次同用又外蓋身者左即  
從足魁星建向頭次排魁魁躡魁魁魁七  
魁之頭也右即從頭魁星建至足註同前也

說坐配衣存法圖

老君曰坐配衣者以斗星左右筭存用也以  
坐合兩手存魁在左肩魎在兩手魎在左腎  
下一寸存在衣上是也魎在左肘魎在膝上  
魎在左膝下三寸魎在右足外踝右筭存亦  
如是

說使柱天力士擊敵凶惡圖

太上老君曰世人學道在人中或於山林之  
下道路之上忽有凶惡盜賊等吏橫為身害  
者閉炁捻訣而兇敵之經云及其宅舍遶敵

之其賊自伏而走此亦避之註為其相避有  
慈悲之道故得伏而前避之彼若不伏即敵  
之至彼賊敗死為止之驗也不伏敵之取上  
極而上註上極是敗死盡為極曰先閉炁捻  
訣註訣是刀支訣名凶惡鬼賊刀支是存其

思光

十一

彼凶鬼賊具前上袂中註宅舍作四斗收凶  
惡鬼魂魄令不得東西南北上下飛走自身  
作四斗配衣前註前者口後者後孔放炁便  
寫炁交手曾前作弓弩註男左肘為弩右為  
弓皆存之驗用張捧箭射之仍踰地三過叱

叱凶惡賊即倒註經曰若展衣步

金鎖流珠引卷之十一



